

Табиий офат бузган кўприк қайта қурилди



Сурхондарё вилоятидаги табиий офат, яъни сел тошқини натижасида жиддий талофтот кўрган кўприк янгидан қурилиб, фойдаланишга топширилди.

Гап – 4Р-105 "Дарбанд-Бойсун-Элбаён" автомобиль йўлининг 51-километрида жойлашган кўприк ҳақида кетмоқда. Сел оқибатида мазкур кўприкка жиддий шикаст етган эди. Қурилиш ишлари Сурхондарё вилоят кўприклардан фойдаланиш корхонаси ишчилари томонидан бажарилди.



Шуни айтиш керакки, Автомобиль йўллари давлат қўмитаси таркибидаги корхоналарда табиий офатларни бартараф этиш бўйича кўплаб амалий ишлар қилинмоқда. Жумладан, Сурхондарё вилоятидаги 4Р-100 автомобиль йўлининг 134-километридаги – Кумқўрғон тумани худудидаги кўприқда ҳам қурилиш ишлари давом эттирилмоқда. Яқин даврда ушбу кўприк ҳам қайта фойдаланишга топширилади.

Автомобиль йўллари давлат қўмитаси

матбуот хизмати